

2014 *Alegria y Fantasia* carnaval



Ofo Escudero Orguyoso di forma parti di un grupo campeon



Meta Social Club ta Banda DURO.
E colaboracion entre empleadonan di MetaCorp, hunto cu Carnavalistanan experiencia manera John John Flemming y Ryan Maduro a resulta den un team ganado. Ken cu ta desea di uni na Meta Social Club, sea ta empleado of no empleado di MetaCorp, ta bonbini. Tin algun cupo ainda pa personanan cu kier bay den un of tur cuater parada y sea ta den seccion of den masa. Meta Social Club ta invita tur



ORANJESTAD -- Pa loke nos ta wak, e ta bay ta e grupo cu esunnan cu lo bay ta den dje, mi ta kere, lo bay ta hopi orguyoso di forma parti di un grupo campeon asina ki manera Meta," asina Ofo Escudero kende ta preparando pa anima e grupo cu su banda N'Fusion a expresa durante un entrevista e siman aki.

E lider di e banda N'Fusion, cual a wordo forma na november 2013 a priminti cu pa loke ta e banda mes, nan ta bon prepara cu un repertorio di e generonan calypso, road-march, y mas.

Meta Social Club lo tin musica na cantidad pa tur su seccionnan bunita y luhoso, Ofo Escudero a observa. El a splica cu N'Fusion, aunke nan ta un banda hoben y e nomber ta uno nobo riba mercado, e 12 integrantenan ta musiconan cu hopi experiencia. Ademas, nan ta conta cu un expansion di tres miembro extra specialmente pa Carnaval 60 y Meta Social Club.



Spera loke ta di spera, pero tambe loke no ta di spera, Escudero a bisa, primintiendo di bin no solamente cu un seccion di "live brass" fuerte, pero tambe otro instrumentonan cu "bo no ta wak den otro grupo" cu sigur lo resalta.

N'Fusion ta gradici Meta Social Club pa a pone nan confianza den nan y ta priminti un berdadero espectáculo riba caminda. E otro banda cu ta compania participantenan di

persona interesa pa pasa na nan sede, ubica riba L.G. Smith Boulevard entre Ritz y Balashi Cash & Carry pa wak e diferente trahenan pa e paradan anochi y esunnan den dia y pa inscribi di biaha! Na tur parada lo tin un Open Bar, na estilo di Tropical Bottling Company, o sea Premium, cu Dewar's whisky, Bacardi rum, Chill, vodka, White Zinfandel, biña blanco y cora, Power Aid, Fuze Ice Tea, Coca Cola, Diet Coke,



Awa, y mas.

Empleadonan di MetaCorp ta ricibi un descuento special riba nan participacion pa cada parada, como tambe pa e paketenan di parada. E pakete pa tur cuater parada ta Afl. 1325 pa empleado y Afl. 1500 pa no empleado. Pa loke ta e prijs pa masa durante parada di den dia na San Nicolas y na Playa, esaki ta Afl. 825 pa empleado y Afl. 925 pa no empleado. Y, pa participa solamente na e dos

paradanan di anochi, cual ta Parada di Luz na San Nicolas y Lighting Parade na Playa, ta sali Afl. 425 pa empleado y Afl. 475 pa no empleado.

Tin cupo pa paradan individual tambe, cual ta costa: pa Lighting Parade OF Parada di Luz, Afl. 325 pa persona pa empleado y Af. 425 pa no empleado; pa Parada di San Nicolas OF Gran Parada na Playa empleadonan ta paga Afl. 700 pa persona y no empleadonan ta paga Afl. 800,=.

E sede di Meta Social Club ta habri den siman for di 4:30 p.m. pa 10:00 p.m. y den weekend for di 5:00 p.m. pa 10:00 p.m. Meta Social Club ta avisa cu e dianan aki por spera di wak e sede habri despues di 10'or di anochi y si esaki ta e caso, pasa numa, pasobra tanten cu tin hende trahando lo atende tur hende cu presenta pa informacion y inscripcion. □

